

續山東考古錄卷之三

滄州葉圭綬子佩甫述

濟南府下

德平縣

漢青州平原郡平昌縣般縣幽州渤海郡重平縣

平昌縣故城在東南三十里詳紀要稱在東北一里非是

般縣故城在東北二十五里舊唐志作三十里

重平縣故城在西北三十里亦在直隸吳橋縣東南二十里或作重合城非

後漢青州平原國西平昌縣般縣冀州渤海郡重合縣地水經注引

應劭曰重合縣西南八十里有重平鄉 魏晉因之晉平原屬冀州西平昌晉亂廢

續山東考古錄

卷之三

德平縣

一 蝸角尖廬

西平昌縣故城在西南三十里舊以為前漢平昌城非詳下

後漢志平原無西平昌縣而樂安國下注文高帝置為千乘

郡句帝字下置字上行西平昌三字蓋兩地相次錯簡於此

魏志平昌下後漢晉為西平昌寰宇記平昌縣後漢改為西

平昌皆其證劉宋志稱後漢省蓋續漢志之錯簡久矣

後魏滄州安德郡治般縣郡城即今縣治中興初分樂陵郡置

太和初罷天平初復又重平縣孝昌中復寰宇記云宣武大明二年復今從魏志

又平昌縣太和二十二年復西平昌晉未廢魏志云後漢晉曰西平昌後罷蓋晉亂廢也寰宇記

日承熙二年除西字屬渤海郡熙平中屬樂陵郡後屬

魏志滄州安德郡治般界蓋與縣不同城也隋志平昌下後

魏置東安郡後齊廢當作東安德郡以別冀州安德郡魏志無東字或史官追加者隋平昌卽今治蓋後魏於此別築城爲郡治高齊廢郡徙平昌縣於此也

後魏平昌縣卽前漢平昌縣城魏志滄州平昌下云治平昌城則仍漢治甚明寰宇記云漢平昌故城在德平縣西北三十里後魏永熙二年移於今縣東南廢平昌縣城據此是後魏移治又甚明考水經注商河所逕曰平昌縣城屯別南河所逕曰西平昌縣城是兩城判然兩地蓋前漢治今縣東南之平昌城後漢治西北徙故加西字後魏復置於前漢治故

除西字

舊說琅邪有平固故此加西前漢琅邪豈無平昌乎

志曰治平昌城以別於西

續山東考古錄

卷之三

德平縣

二 蝸角尖廬

平昌城也舊唐志平昌下云故城在今縣東三十里卽此城矣齊乘亦稱移理古城乃與寰宇記皆不載明兩漢非一城則所謂廢城古城者何代之城耶

高齊 州平原郡平昌縣天保七年廢安德郡移平昌縣治廢郡城省般重平二縣入之周因之

寰宇記德平縣高齊天保七年又移於今理

隋齊州平昌縣開皇十六年復置般縣於西平昌故城

唐河北道德州平原郡平昌縣貞觀十七年省般縣入之太和二年

屬齊州三年還屬五代梁因之唐改今名續通考以爲後梁改非蓋後唐避諱也

晉漢周因之

唐般縣故城在西南十六里貞觀十年徙寰宇記貞觀十年般縣被水漂沒又移於漢平昌城東北十四里今縣西南六十里築城以置百姓按此平昌城乃西平昌城隋般縣也唐城在其東北十四里則在今縣西南十六里傳寫字倒耳

宋河北東路

德州平原郡

德平縣熙寧六年省入安德爲鎮元符二

年復

九域志安德有德平鎮是省入安德也宋志德州無此縣而齊乘以爲元符二年復置宋志蓋因九域志而漏載也

金山東東路德州德平縣

元直隸都省山東德州德平縣

續山東考古錄

卷之三

德平縣

三 蝸角尖廬

明山東布政司濟南府德州德平縣

國朝山東布政司濟南府德平縣

縣志

禹城縣

周齊高唐邑

春秋襄公十九年左傳夙沙衛奔高唐以叛杜注高唐在祝阿縣西北按水經注漢高唐縣卽齊高唐邑但晉時高唐並未省入祝阿杜氏不云今平原高唐縣而謂在祝阿西北後魏高唐縣屬南清河郡而魏志祝阿有唐城寰宇記旣稱高唐故城在禹城南五十里又云高唐亭城在禹城南一百里

疑漢縣非古邑也又三國魏志徐晃傳朱靈封高唐亭侯或魏別立侯邑杜氏誤以爲古高唐亦未可知備考 路史高城在齊之禹城漢故縣黃帝後姜姓之國按當是漢之高城縣蓋高城屬渤海亦齊地又云曹城侯爵在禹城高陽氏之後寰宇記漕城在禹城南一百里以爲衛侯所廬之漕邑誤甚路史又云古用國在禹城西

漢青州平原郡高唐縣阿陽縣後漢省阿陽入漯陰魏因之

高唐縣故城在西南五十里寰宇記云云見上又續通典稱在廢禹城縣西四十里近志稱在倫鎮西北是也東昌府志以今高唐州爲古邑謬甚

續山東考古錄

卷之三

禹城縣

四 蝸角尖廬

阿陽縣故城在南七里俗曰羊落城寰宇記稱在廢禹城西北五十五里又云在禹城縣南七里水經注引應劭曰漯陰縣東南五十里有陽阿鄉故縣也按河水絕漯北流而逕阿陽城西漯絕河東流而逕漯陰城東是阿陽城在漯陰西北之明證漯陰故城在濟陽西南之臨邑故城西十里今羊落城正在其西北四十許里如應氏說則阿陽城當在大清河南歷城濟陽境上矣河水自平原東境能逕其西耶東南乃西北之訛無疑 漢志作阿陽水經注作陽阿考阿陽乃漢陽郡縣名志或有誤寰宇記稱漢魏以下改爲陽阿此縣後漢已省尙何改耶

元和志天寶元年改祝阿為禹城縣以縣西南三十里有禹息故城因以為名按禹息城蓋在廢禹城西南三十里也漢平原郡屬惟羽縣故城無可考羽縣莽曰羽貞余謂禹為羽字音訛息為貞字形訛耳備考

晉冀州平原國高唐縣又青州濟南郡濰陰縣地高唐晉亂廢

魏志高唐二漢晉屬平原後罷今縣南境當有二漢晉之祝阿縣地

後魏齊州南清河郡高唐縣景明中復置又齊州太原郡祝阿

縣地後魏祝阿城即廢禹城在今齊河縣西北境高齊徙高唐於廢南清河郡城詳

唐今縣境仍為高唐縣地元和志黃河在高唐縣東四十五里即縣境趙牛岔河是蓋齊徙治後縣

境猶有其地祝阿縣地周隋因之

續山東考古錄 卷之三 禹城縣 五 蝸角尖廬

唐河南道齊州禹城縣天寶元年改祝阿為禹城乾元二年徙縣來治又

博州平郡高唐縣地五代因之

乾元二年後禹城縣即今治本遷善村寰宇記乾元二年逆

黨史思明侵河南守將李銳於長清邊家口決大河東至縣

因而淪溺今理遷善村 元和志縣至齊州百五十里又云

在州西北八十三里則指廢禹城言寰宇記用此數誤也但

今縣至府僅百一十里元和志似從廢城加算今縣至廢城

六十餘里加八十餘里正百五十里矣

宋京東東路濟南府濟南郡禹城縣縣無高唐地當在高唐徙今治後

金山東東路濟南府禹城縣析置齊河縣

元直隸都省山東曹州禹城縣

明山東布政司濟南府禹城縣

國朝因之

縣志

嘉慶十三年修
知縣董鵬翔

沿革晉以前但載祝阿不合

臨邑縣

漢至晉潞陰安德平原等縣地

詳濟陽
歸化城

東晉末移潞陰來治巨

潞亭劉宋至隋臨邑安德平原等縣地唐元和十三年後歸化

縣地太和四年至五代臨邑縣地

割諸縣置歸化縣
又省入臨邑也

東晉潞陰縣故城在東南

里俗曰薄刺王城水經注潞水

厯北潞陰城伏琛謂之潞陽城地理風俗記曰潞陰有巨潞亭

續山東考古錄

卷之三

臨邑縣

六 蝸角尖廬

是也寰宇記宋武帝移潞陰於臨邑西北五十里北潞陰城

宋志德州下宋初省歸化縣按歸化唐太和四年省

詳濟陽或

唐末五代復置歟縣北二十里有歸化城址其非在河北岸

之唐歸化縣城甚明或復置於此歟再考

宋京東東路濟南府濟南郡臨邑縣

宋志臨邑下建隆元年河決公乘渡口壞城三年移治孫耿

鎮按宋至今縣未再徙舊說稱今治卽宋徙是也但舊孫耿

鎮實在今濟陽西南四十里

新孫耿鎮
在齊河

寰宇記縣已徙治仍

用舊文者甚多既不足據九域志濟南一郡又復闕如殊難

詳究但寰宇記雜集羣書而成其山川古蹟往往一縣而或

用舊文或據新志如臨邑縣稱古黃河在縣南二十里考元和志黃河在臨邑北七十里孫耿鎮南二十里黃河從古所未經而今縣南之小支河正水經注河水故道宋初稍南行今土河故以此爲古黃河據此是太平興國時臨邑卽今治無疑通志謂徙孫耿不久又徙今治理或然也雖然劉宋僑立臨邑於今府北六十里寰宇記作五十里亦計里偶異非宋初南徙十里也至宋初不改而今濟陽西南六七十里內除孫耿鎮外並無臨邑故城孫耿鎮南至府五六十里疑宋建隆三年卽徙今治改舊治爲孫耿鎮而宋志有誤未可知也俟再考

金山東東路濟南府臨邑縣析置濟陽縣

續山東考古錄

卷之三

臨邑縣

七

蝸角尖廬

元都省燕南河北道河間路臨邑縣初屬濟南路太宗七年來屬憲宗三年屬濟南路至元二年還屬

明山東布政司濟南府臨邑縣

國朝因之

縣志

道光十七年修知縣沈淮

沿革秦東郡黎縣齊郡濰陰縣並今

縣地東漢省黎縣入濰陰按濰陰卽古犁邑東郡黎縣在今鄆城縣西此旣誤以爲齊犁邑又杜撰東漢省入濰陰之說譬今鄆城能省入濟陽耶况古犁邑漢濰陰在今濟陽與今臨邑毫無干涉 古蹟蒨邱亭濰陰城新市城唐歸化城著城臨邑城孫耿鎮皆在今濟陽

蒨邱卽濰陰新市卽歸化

漢臨邑城一名馬防城詳東誤稱在僑臨邑境又杜撰劉

宋東魏郡治馬防城

平原縣

漢青州平原郡治平原縣冀州清河郡郟縣漢書表作俞師古曰音輸及繹

幕縣地故城在西北二十五里今屬恩縣王莽以平原安德

未必有治所

平原縣故城在西南二十五里或以縣為趙平原君封邑考

戰國齊趙界河縣治在河東通典平原郡春秋戰國屬齊是

也平原君封於東武城今山東境有十一平原城漢縣一也

高齊縣二也宋平原郡即漢梁鄒城三也宋平原縣在漢

續山東考古錄

卷之三

平原縣

八 蝸角尖廬

之平原於今寧陽八也隋初平原縣即漢鄒平九也隋平原

郡今陵縣十也又高齊東平原郡即廣川郡城十一也而趙

公子兩平原君所封之東武城卻無平原之名

郟縣故城在西南三十里續通典稱在德州今陵縣西南五十

里按陵縣西南至今治已五十里此不合寰宇記誤同

後漢青州平原國治平原縣永寧元年改郡為國河間王開子

之廢安帝時國除為郡建和二年復為國桓帝兄都鄉侯碩封建

安十一年國除為郡又冀州清河國郟縣及繹幕縣地魏黃初

三年平原復為國七年除為郡明帝封此晉仍為國屬冀州王

於晉初封不就國永嘉五年卒年八十是西晉平原終為國也

而晉書惠帝紀永興二年公師藩害平原太守王景是時幹尙

在或以未就國不行國制歟否則平原國內史史誤稱耳

後魏冀州安德郡平原縣真君二年併入鬲縣太和二十一年

復二十三年移平原郡治聊城之王城平原縣來屬又於縣置

東青州未幾罷置罷未詳何時又繹幕縣地又濟州南清河郡鄒縣寰宇

記後魏省誤

水經注河水逕張公城魏青州刺史張治此當卽東青州治

也城在今治南六十里元和志張公故關在長河縣東南七十里與此非一地

高齊冀州安德郡平原縣省鄒繹幕二縣入之周因之

齊平原縣卽今治據舊唐志

隋德州平原縣開皇三年屬冀州九年屬隋復置鄒非漢治詳夏津

唐河北道德州平原縣太和二年屬齊州三年還屬五代因

續山東考古錄 卷之三 平原縣 九 蝸角尖廬

之

宋河北東路德州平原縣

金山東西路德州平原縣

元直隸都省山東德州平原縣

明山東布政司濟南府德州平原縣

國朝山東布政司濟南府平原縣雍正八年屬高唐直隸州十

二年還屬

縣志乾隆十三年修疆域趙平原君食邑誤 劉宋仍爲

郡治又有兩平原一置於鄒平地一分甯陽地置按劉宋

疆域不及縣境置於鄒平者宋但爲郡非縣今甯陽高齊

平原非劉宋置 北魏眞君三年省平原入鬲縣考宋明
帝泰始二年冀州始陷於魏眞君三年當宋元嘉十九年
冀州尙爲宋有何由省入鬲耶按此竟不知劉宋冀州在
青州魏時僑冀州已改齊州故不知與之核對致此巨謬
繹幕北齊後不復見省於何時無明文惟南齊志繹幕縣
屬南清河郡建武二年省則僑置遙領矣郟縣省入平原
見北齊書按繹幕北齊省入平原見寰宇記南齊書云云
乃南徐州所領與此不相干齊省郟入平原見隋志北齊
書無此文

陵縣

續山東考古錄

卷之三

平原縣

十 蝸角尖廬

周齊重邱邑

春秋襄公二十五年同盟於重邱杜注齊地水經注謂卽漢
重邱縣姑從備考

漢青州平原郡安惠縣重邱縣

西境當有
鬲縣地

安惠縣故城在東南三十里舊以今治爲漢安惠城其誤由
舊唐志安德漢舊縣今州治至隋不改之說考寰宇記德州
下云後魏太和中於今州東南三十里安德故城置安德郡
隋開皇三年罷郡九年於今安德復置德州此漢縣在彼不
在此隋始移今治之明文其安德下不載故城人多不察耳
重邱縣故城在東北二十里今神頭鎮自顏禕有厭次在德

州詳陽東北廿二里之繆說近志踵襲甚或反據之以駁酈

注考證已辨其誤特其地確有古城址非證明係古何城仍

無以執沿訛之口考水經注屯別南濱逕安德縣故城西又

東北逕臨齊城南又屈而逕其東始東齊未賓大魏築城以

臨之故城得其名也又東北逕重邱縣故城西應劭曰安德

縣北五十里有重邱鄉故縣也又東北逕西平昌縣故城北

按安德故城在今縣東南三十里神頭鎮在今縣東北二十

里則在安德故城北正五十里而今治即臨齊城在其西南

德平之西平昌城在其東北平原之鴻溝即屯別南河恰逕

其西其為重邱故城夫復何疑舊說在直隸吳橋境蓋誤以

續山東考古錄 卷之三 陵縣 十一 蝸角尖廬

今治為漢安德城其北五十里已入吳橋境故云然耳

後漢青州平原國安德縣建武三十年以安德重邱等六縣益濟南國中元二年削安德等五縣無

重邱則省在建武三十年後矣又建初八年復還所削地永興元年復還平原郡魏因之

晉冀州平原國安德縣

後魏冀州安德郡治安德縣太和中置郡尋併入渤海郡中興

中復又移高縣來治臨齊城移治未詳何時高齊省高縣周因之

後魏高縣即今縣治魏志高縣治臨齊城今治安德故城在

東南重邱故城在東北鴻溝逕其南又屈逕其東其為臨齊

城無可疑者舊謂德州之邊臨鎮是其地在屯別北濱之北

屯別南河能逕其南與東耶

隋志安樂下舊置平原郡開皇初廢按後魏平原郡治聊城縣隋志聊城下亦云舊置平原郡開皇初廢則齊周平原郡仍治聊城可知此當作舊置安德郡

隋德州治安德縣開皇三年廢安德郡縣屬冀州九年置德平原郡

州大業二年改平原郡

隋安德縣即後魏鬲縣城開皇九年徙隋志此縣作安樂他書皆無隋改安德為安樂之說舊唐志安德漢至隋不改以言治所則誤以言縣名則可證隋志之誤唐仍名安德諸書亦無唐改安樂為安德之說樂字傳寫訛耳

唐河北道德州治安德縣五代因之

續山東考古錄

卷之三 陵縣

三 蝸角尖廬

宋河北東路德州軍事治安德縣熙寧六年省德平入之元

符二年復析置九域志安德又有將陵鎮蓋徙治長河西城故城入安德也金復析入吳橋

金山東東路德州防禦治安德縣

元直隸都省山東德州治安德縣州初屬東平路後析隸省部明山東布政司濟南府陵縣洪武九年廢安德縣其地直隸於州七年移州治元陵縣故城十三年復析德州置今縣來屬

國朝因之

縣舊志康熙十二年修竟不知為古安德縣其古蹟載城內有安德縣

故治以為無可考知縣史颺庭不知何以成志矣知為古平原郡將漢郡及平原縣皆混

入新志道光十七年修較舊志自彬彬可觀惜不知據

齊乘考證仍沿顏碑誤說以神頭爲厭次 志不言安德
有故城其圖有故城在今治西北似未見寰宇記 其古
河圖錯誤尤甚

長清縣

周祝國春秋爲齊祝柯邑又盧邑石窳邑野井邑

禮樂記武王封帝堯之後於祝史記作黃帝後又春秋襄公
十九年盟於祝柯杜注今祝阿縣左傳作督揚杜注卽祝阿
考成十六年我師次於督揚不敢過鄭杜注以爲鄭東地又
自督揚遂次於泗上督揚似非祝阿或兩地同名歟存疑俟
考 竹書紀年周平王十三年齊人滅祝

續山東考古錄

卷之三

長清縣

三 蝸角尖廬

春秋隱公三年齊鄭盟於石門尋盧之盟也杜注盧齊地今

濟北盧縣 路史盧姜姓國

又成公元年左傳予之石窳杜注濟北盧縣東有地名石窳
元和志稱在長清縣東三十里今縣東 十里有石窩村卽
石窳也

又昭公二十五年齊侯唁公於野井杜注濟南祝阿縣東有
野井亭水經注玉水枕祝阿城東野井亭西注於濟當在今
豐齊鎮東北玉符水東岸

漢兗州泰山郡盧縣文帝前元年爲濟北國治

國治今平陰縣
之北安故城

武帝後元二年析濟北所治城爲北安縣後併入盧縣又荏縣

青州平原郡祝阿縣

盧縣故城在縣南 十里寰宇記盧城在長清縣東南五十里考水經注濟水逕盧縣故城北漢賓谷水出格馬山而北逕盧縣故城北是盧城在二水之間非西瀕濟岸也今治南稍西有馬西學城近志以為孫贖龐涓學道之所無據在大清河南沙河即漢水之間隔馬山在其東故曰馬西自長清故城視之南而微東似即盧縣故城備考 紀要誤以長清故城為盧城又誤作二十五里近志多沿其繆

荏縣故城在東南三十里今張夏鎮

祝阿縣故城在東北三十許里

續山東考古錄

卷之三

長清縣

西 蝸角尖廬

後漢兗州濟北國治盧縣和帝復置國建安十一年除為郡十

七年復為國又泰山郡荏縣青州平原國祝阿縣

建武三十年以祝阿益濟

南國中元二年削之建武八年復還所削地永興元年復故

魏初濟北為郡太和六年復為

國改荏為山荏縣

三國魏志景初元年春正月壬辰山荏縣言黃龍見

晉兗州濟北國盧縣國移治穀城縣之盧子城

詳東阿

又泰山郡

山荏縣青州濟南郡祝阿縣後趙石氏置祝阿郡東晉義熙中

僑置太原縣屬泰山郡

晉書桑虞傳石虎青州刺史劉徵請虞為長史帶祝阿郡

僑太原縣故城在西南十五里又名升城補東晉志僑郡縣

內有太原縣下云太原漢郡名屬并州沈志本郡僑立此縣
晉安帝義熙中土斷立屬太山郡按地形志司馬德宗置又
劉義隆置太原郡是晉有太原縣而無太原郡也圖經在長
清縣東北名東太原城亦曰升城余按水經注濟水逕盧縣
北又北逕什城北城際水湄故邸閣也祝阿人孫什將家居
之因謂之什城魏志太原縣治升城什升字形訛也其城在
濟水之濱卽隋唐長清縣城詳圖經在東北者乃劉宋太原
郡所治山茌城去濟水四五十里非升城洪氏旣知晉無郡
又引圖經云晉義熙中僑置太原郡於此不一置辨何耶且
晉此縣屬太山郡當列實郡僑縣不當列僑郡僑縣

續山東考古錄

卷之三

長清縣

五

蝸角尖廬

劉宋青州僑太原郡治山茌縣又太原縣祝阿縣兗州濟北郡
盧縣明帝太始三年并州會治太原縣并州刺史清河
房吉守升城

水經注太原郡治山茌

後魏齊州太原郡治太原縣孝昌二年徙治又山茌縣盧縣又
祝阿縣地徙縣治於濟水北高齊廢太原郡與周三縣皆未詳
何屬此盧縣疑
高齊已省

寰宇記長清縣後魏孝昌二年自山茌故城移東太原郡於
此又隋志長清下云又有東太原郡後齊廢按魏志此太原
郡無東字或史官追加者

魏志齊州盧縣有盧城平陰城孝子堂未詳徙治何所

隋濟北州郡長清縣開皇五年廢太原縣為鎮十四年於其故城

置長清縣又置時平縣大業初改名濟北亂廢省山荏入厯城

升城西濱濟水圖經稱東太原郡即升城寰宇記長清縣即

後魏太原郡城是長清縣故城即升城明矣近志長清故城

外別出什城非是

濟北縣故城在西南四十許里寰宇記長清縣故濟北城在

縣西三十里耆舊相傳云移於今縣改為長清按後魏荏平

亦曰時平此縣初置名時平或即後魏荏平所治之鼓城縣志

亦載鼓城其城在大河之曲本在縣與今荏平界上但隋又有荏平縣未敢逕斷此縣

與長清同時置傳聞之說非是

續山東考古錄 卷之三 長清縣 六 蝸角尖廬

唐河南道齊州濟南郡長清縣武德元年復置山荏縣屬齊州四年

復置濟北縣屬濟州貞觀元年省濟北天寶元年改山荏曰豐

齊元和十五年省入長清五代因之

新舊唐志鄆州盧縣下並云天寶十三載濟北郡廢新志稱

長清隸齊州舊志稱隸鄆州而長清下又並云貞觀十七年

隸齊州兩書既不符本書又自矛盾未知孰是

豐齊縣故城在東北三十里今豐齊鎮元和志豐齊縣東北

至州四十里本漢荏縣也又云祝阿城在縣東北二里據此

豐齊治所當為祝阿地山荏故城在其境內耳 寰宇記長

清縣廢荏城在縣東四十里漢舊縣隋廢唐武德九元字年筆誤

復置在州西三十六里天寶元年八月改爲豐齊又一條云廢豐齊縣城在城東北四十里唐憲宗元和十五年隸入當陽按二條當作一條否則唐復置山茌後自爲一條蓋唐復置卽豐齊城與故城無與也當陽二字殊不可解

宋京東東路濟南府濟南郡長清縣

宋長清縣卽今治至道二年徙本刺榆店

金山東東路濟南府長清縣

元直隸都省山東泰安州長清縣

明山東布政司濟南府長清縣

國朝因之雍正二年屬泰安直隸州十二年還屬

續山東考古錄

卷之三

長清縣

七

蝸角尖盧

縣志

道光十四年修知縣舒化民

沿革周清邑周首邑誤

詳東阿

漢龍

額縣誤

詳齊河

東漢改茌爲山茌按後漢志仍作茌和

帝遷盧於周首爲郡治按晉濟北國治盧子城盧縣並未

徙治後漢省龍額入祝阿此想當然語南宋置東太

原郡按劉宋此郡無東字又云盧與祝阿皆屬之按宋盧

縣屬濟北後魏置東濟北郡復立肥城爲郡治與縣無

涉移東太原郡於山茌西北數十里是時未立縣按此

不知郡治卽太原縣後魏時盧在周首祝阿在豐齊北

按魏兩盧縣皆不治周首祝阿已移治北周立肥城郡

與縣無涉隋盧縣按隋盧縣卽漢茌平與縣無涉隋

祝阿歸原處按後魏祝阿早非原處周移治龍頤後還治
後魏之祝阿非漢治 五年廢東太原郡改為長清鎮按
五年上脫開皇字廢郡是齊不是隋鎮何名古無明文

十四年又於故濟北郡設時平縣即古盧縣地尋省入盧

縣按開皇六年置濟北縣十四年置時平縣大業初省濟

北入盧治古荏平之盧乃改時平為濟北何嘗於故濟北郡置時

平縣乎 大業初析盧南境肥城西地置山榆縣按所析

是漢盧非隋盧所置是榆山非山榆且與縣無涉 大業

初復設濟北郡治盧與縣無涉 以今縣考之隋時西南

為盧東北為長清按隋盧非縣西南之盧 天寶元年就

續山東考古錄

卷之三

長清縣

六 蝸角尖廬

山荏地置豐齊縣仍移山荏於漢縣按此似因元和志寰

宇記而誤移於漢城則杜撰 改祝阿為禹城與縣無涉

五代省盧入長清按長清境內之盧隋唐之世已為長

清地治荏平城之盧宋初猶在

以上沿革幾於無句不誤
總由漢盧縣後魏盧縣後

魏齊州之盧縣濟州之盧縣又晉濟北所治盧子城概
混而一之復不知後魏祝阿已徙濟北以致舛謬百出

濟南府補遺

付梓後續有所考不及錄入用仿朱氏日下舊聞之例補錄各府州之後

歷城縣

春秋定公十年齊衛鄭會於安甫杜注地闕公羊作會於鞏山河兩戒考謂卽戰鞏之鞏余疑當別是一地

漢書功臣侯表臺侯濟南臺縣也路史以爲臨淄臺鄉非是臺鄉

屬齊郡云路史平陸城卽東平陵在歷城東南十里誤

晉書載記慕容德傳遣公孫歸等入寇濟南執太守趙元按上文有遣尚書都令史王儼出爲濟南太守之文此濟南當是僑

續山東考古錄

濟補

一 蝸角尖廬

郡宋書武紀義熙五年慕容德大掠淮北執陽平太守劉千載濟南太守趙元蓋暫僑置於淮北者 儒林傳劉兆濟南東平人平下脫陵字

宋志濟岷郡所領有營城縣或營城本濟岷屬縣僑郡沿實土之制歟 又垣護之傳世祖以爲督冀州之濟南樂安太原三郡諸軍事冀州刺史按護之以冀州刺史兼督青州濟南三郡軍事宋志三郡屬青不屬冀也此作冀州誤

魏書莊帝紀永安二年齊州城人趙洛周據西城反濟陰王傅元脩義爲齊州刺史以齊州頻喪刺史聽更立館宇於是移理東城侯淵傳永熙初爲齊州刺史及汝陽王暹代爲齊州淵擁

部據城不時迎納州民劉桃符等潛引暹入西城按州治本亦在西城元脩義始移治東城侯淵據之故州民迎暹入西城也舊五代史高漢筠齊州歷山人按朱溫之父名誠當時郡縣有城字者多改名後唐旋復故故可考者無幾漢筠入仕當梁代或歷城曾改歷山史沿舊書之耳

宋史李溥傳齊州大水壞民廬舍欲徙州城未果命溥往視遂徙城而還按今歷城卽東西二城故址據此傳則是宋曾徙治所徙何地何時徙還耶考其時當太宗及眞宗初年五行志載淳化二年齊州明水漲壞黎濟砦城百餘堵咸平元年齊州清黃河泛溢壞田廬皆不言徙州事宋地志城有遷移者必載齊續山東考古錄

濟補

二 蝸角尖廬

州並無徙治之文或疑爲濟州之訛亦無據再考

章邱縣

肇域志管縣城在章邱西北二十五里水寨按齊乘誤以水寨爲營城顧氏又誤以營城爲管城其實水寨乃古黃巾城管城尚在其西營城又在管城之西數十里也

鄒平縣

唐書宰相世系表有鄒平郡丞李萬安其孫日知相元宗當是太宗高宗時人其時無此郡名也段志元文宗時封鄒平郡公當時亦無此郡但封爵往往虛立郡名郡丞則必確有此郡况唐初盡改郡爲州其時尤不應有郡丞也再考

淄川縣

路史菑國鄆也漢屬濟南郡隋爲淄川按隋淄川乃漢般陽縣古無淄稱又云薛國在淄州南四十里謂之大薛非薛南之小薛按此因史記漢書公孫宏傳而附會者

魏書房法壽傳房崇吉長子士隆興和中東清和太守帶盤陽鎮將和當作河南北朝輿地表清河槩作清和殊謬

德州

積古齋鐘鼎款識周鼎中有鬲攸从鼎文云佳卅有一年三月初吉壬辰王在周康宮又有皇祖丁公皇考惠公之文是鬲國周康王以後尚存矣

續山東考古錄

濟補

三 蝸角尖廬

括地志鬲縣故城在安德西北五十里一統志謂在德州北與州志不同並存備考

舊五代史晉高祖天福五年十一月以水移長河縣治西城元史崔敬傳至正十七年分省陵州陵州乃南北要衝無城郭而居民散處云云按元升宋將陵縣爲陵州將陵治長河西城不得云無城郭州志稱至元二十三年又徙治西北余初未敢據觀此似元曾徙治本無城郭故今無址可考耳

德平縣

北齊書劉叔宗樂陵平昌人蓋齊省滄州安德郡入樂陵也

平原縣

括地志平原故城在平原縣東南十里按舊唐志稱故城在平原縣西南二十五里括地志疑誤

陵縣

輿地廣記稱隋於漢重邱故城置將陵縣蓋不知隋安德非漢城應劭謂安德北五十里有重邱故縣將陵縣在隋安德北五十里故云然耳元和志將陵縣取安德縣故城爲名蓋漢將陵侯城在安德境內取以名縣非於安德之重邱城置縣也

長清縣

服虔以祝其爲祝國誤

路史荏縣卽荏平誤

續山東考古錄

濟補

四 蝸角尖廬

魏書許彥傳許廓除頓邱東太原二郡太守韓麒麟傳韓伯華爲東太原太守接齊州太原郡地形志無東字此史官所加以爲別崔長文傳稱齊州太原太守可證也

元史察罕帖木兒傳自將大軍渡河與賊戰於分齊大敗之進逼濟南城按分齊卽唐豐齊縣

禹城縣

山河兩戒考趙邑有高唐恐誤

魏書路恃慶傳葛榮遣其清河太守季虎據

汲古閣本據字在季虎上高川

城周唐字形訛

臨邑縣

元史百官志至元二十一年置管領河間臨邑長官司掌軍民
二百有二戶

續山東考古錄

濟補

五 蝸角尖廬